

Alikiyaama

Emisiyongo n'awusunane ínfegonfeg
h'adékehne buyiko a waato no Yensa
aṅoolinekehne a duniyaṅo.

Guliiho, m'anfiyumne Yensa, m'anniirone,
Yensa akengunkuneeniṅ k'anéereeniṅ
arinenṅo awunkulo.

Kanda m'anfiyumne Yensa, m'anjébné a
waato no Yensa aṅoolinekehne, immerenṅ
mees, Yensa akengunkuneeniṅ
k'anéereeniṅ arinenṅo awunkulo.

Angu jamaṅo nip m'anfiyumne Yensa,
m'anniirone ingi mi niiroroṅoṅne, Yensa
akengunkuneeniṅ.

Immerenṅ nip anguyhuneḥ ingi Yensa a
waato no Yensa aṅoolinekehne a

duniyaŋo.

A waato nómár ayikhineh biñaam bíde a duniyaŋo, kanda Yensa bapútri a duniyaŋo, akankáneh ki biñaamo bímár amuk.

Afaŋánaháneh m'ayéjuhne honjo
h'abenkilinimehne - umaasahu duniyaŋo
ingi armehinem m'anñaamálinne
Jerusalem.

Anabila Sakariya añañaañ a gubaarhu
h'adékehne buyiko bísibaŋo bímár.

Ayéj....

³ Afúrumi na, Umuyhintor faŋo
adékekineh ba buñaamálinku
nasiyoŋo nómaráŋ. Maŋ ni
Umuyhintor gakááñinahinehne fam
jamankánam a biñaamo, maŋ nim

gadékehne bukaano bísibaŋo bímár.

⁴ Awonnháneh a montaña

n'aretuhne Montaña Olifo. Agida

montaña antéejayteejay ingi

Jerusalem bi bísibaŋo afúruntohne.

(Zech. 14:3-4)

Lentaarenj mara Yensa ajellihinjellihin

utaalibehinem Saŋ a bífegereno h'adékehne

buyiko a waato nómár.

Aféfeg Yensa n'aŋooliner n'agídárineh

jíbooñ afer, ki armehu ariyanna antifhem.

Jantentenj ho Saŋ añaañne.

¹⁴ Údiigeeno úmár, úmár

gagidárinehne jíbooño afero ki

armehu ariyanna antifhem, ingi

bayaaho bafero ingi jíbooñoŋo

aferenjo. ¹⁵ Imbi údiigeeno m'anoone,

a buruhunom ífefeg busandi
b'ayennehin. Agida búmár
gadékehne ba buñaamálinku siyenku
duniyaŋo k'afañánameeniŋ. Angu
afañánameeniŋdir mees údiigeeno
úmár aguyhuneŋ Ukooñhánin
k'amaraheeniŋ ingi sembe. Wúur
dafañánaŋam. (Rev. 19:14-15)

Angu, Yensa aŋoolinekiŋ a duniyaŋo
k'afañána ñanrumukinin níp.

Bafañánaheeniŋ mees, aguyhuneŋ
umaasahu duniyaŋo.

Biriman Jerusalem, amaraháneŋ duniyaŋo
níp.

Jantenteŋ ho Saŋ añaañne a sapitáro
buruhuro a gubaarhu h'adékehne buyiko a
waato nómar,

a waato no Yensa aguyhunehne umaasahu
duniyaŋo nip.

¹ Afúrumi na, ífeg maleeka
n'afúrumor káriman arijaana.
Maleekaŋo nómár, caabi galahne.
Caabiŋo nómár, nómár agune no
gusuno g'añantinne dáde.
Maleekaŋo afak alahah daceen,
daceen dadeh. ² Adék alah
ninkaaninkaŋo. Agida ninkaaninkaŋo
nómár, nómár agune Busumoolo
b'agune na káriman cuk. Busumoolo
búmár agune b'ayéjuhne Iblisa ingi
Seetano. Maleekaŋo balahem adooh
ceeno n'alahne k'aceenehem.
Baceenem mees ³ aworom a gusuno
gúdenno. Baworem na adak adooh
caabiŋo k'arahun gúbángááro

k'abénnem na buruhu dííneŋ wuuli.
Ki nim angu ninkaaninkano dapiren
k'afúror ba bujodhu jamaŋo buruhu
dííneŋo nómáráŋ. Dííneŋo wuuliyo
awusunadir ba búfunnhunom
gandékehne. Anfúnnomdir
ambénnem k'adék, kanda damiñ
dáde anfak anlaham.

⁴ Afúrumi na, ífefeg jamaŋo
m'annoone a banoohunku
ñammaasaŋo. Agida m'annoone a
banoohumo bámár, Díino
annéereeniŋneer binaal ba
bumarahu jamaŋo. Ifak ífeg háteku
jamaŋo m'úpájulne anleklek
agofonkánin a gubaarhu
n'anséediyane Yensa ingi Gúloku
Díino. Ifak ífeg na jamaŋo m'anfoyne

gunjoyaño a sígi hu honjo
h'abenkilinimehne ingi a sígi hu
hátekinem mees. Immi nip yikirenen
tamaasero a bíjuño wola a halakánin
mara anfoyfoy bujaku tamaasero
nómár. Immeren nip gífegne ingi
Umaasaño Mu Díino Acaabenne
n'anjay bumarahu jamaño, te
buruhu díinen wuuli gandékehne
bukaano nim. Agida immeren nip
n'ankengunaa a biniironjo.

⁵ Fo immeren ankengánaane a
biniironjo, bímár agune jankengo
jaliho. Fégen ban, índukoño
dankengánaa a biniironjo ingi
immeren. Anñantay antúy f'adék
apút díinen wuuli n'ayéjaane
k'ankir ankengunaa. ⁶ Kanda

m'ankengánaane a jankengo jaliiho,
immerenḡ mungu anyikhineh básuum
a hafitenkinin ingi barake. Úpájuli,
immerenḡ anrennrenn. Úpájuli,
immerenḡ danniirom a gubaarhu
h'ayéjuhune biniironḡ binakinno.
Angu m'antohne a jankengo jaliiho
anguyhuneḡ alimaamanku jamaḡo
imbi Díino ingi Ukáristo. Immerenḡ
ingi Ukáristo ammaraháneḡ jamaḡo
buruhu díineḡ wuuli. (Rev. 20:1-6)

Angu Yensa, baḡoolinti a duniyaḡo mees,
abúuñhuneḡ maleekaḡo k'alah Iblisa
k'aceenem ingi daceen dadeh k'aworom a
gusuno g'aḡantinne dáde.

Iblisa aguyhuneḡ na n'aceenhem a gusuno
gúmár buruhu díineḡ wuuli.

Angu ni Iblisa akimbenaane ingi ni Yensa
agune umaasahu duniyaŋo a waato nómár,
básuumo aguyhuneŋ a duniyaŋo.

Buruŋu díineŋ wuuli, biñaam dayik.

Básuumo bareŋ aguyhuneŋ a duniyaŋo.

Yensa amaraháneŋ duniyaŋo ki
m'anfiyumne Yensa, m'anŋoolintne a
duniyaŋo ingi Yensa, immerenŋ mees
ammaraháneŋ duniyaŋo ingi Yensa.

Sanŋ, a bífegereno aféfeg m'anfiyumne
Yensa n'ammarahne duniyaŋo ingi Yensa.

Sanŋ ayéji....

⁴ Afúrumi na, ífefeg jamaŋo
m'annoone a banoohunku
ñammaasaŋo. Agida m'annoone a
banoohumo bámár, Díino

annéereeniŋneer binaal ba
bumarahu jamaŋo. (Rev. 20:4)

Angu, aji marigeno, ufiyumfiyum Yensa,
Yensa akengunkuno a biniironjo k'anéero
arino awunkulo.

Arino nómár daniirohar.

Angu uŋoolinekinah a duniyaŋo ingi Yensa.

Yensa aguyhunek umaasahu duniyaŋo
k'amara duniyaŋo nip biriman Jerusalem.

Angu fi mees, umaraháneh duniyaŋo ingi
Yensa buruhu díineŋ wuuli.

A waato nómár dayik biñaam.

Básuumo bareŋ aguyhunek a duniyaŋo.

Yensa aguyhunek umaasa újooni, umaasa
m'awúuh.

Ah! Asúnkuneh dáde!

Asúnkuneh dáde a waato nómár imbi
m'anfiyumne Yensa.

Anyikhineh arinejo awunkulo.

Anguyhunek imbi Yensa.

Ammaraháneh duniyajo ingi Yensa buruhu
díinej wuuli.

Jantentej ho Saŋ añaañne a gubaarhu
waato nómár.

⁶ Kanda m'ankengánaane a jankengo
jaliiho, immerenj mungu anyikhineh
básuum a hafitenkinin ingi barake.
Úpájuli, immerenj anrennrenn.
Úpájuli, immerenj danniirom a
gubaarhu h'ayéjuhune biniironjo
binakinno. Angu m'antohne a

jankengo jaliiho anguyhune
alimaamanku jamaŋo imbi Díino ingi
*Ukáristo. Immeren ingi Ukáristo
ammaraháneŋ jamaŋo buruhu díineŋ
wuuli. (Rev. 20:6)

Díineŋo wuuli adétdir, Díino abénhineŋ
Iblisa k'afúr a kasoŋo.

Iblisa afak ajodháneŋ jamaŋo, kanda Díino
afak alakánam k'aworom a kuulo kúndenno.

Angu aguyhuneŋ à kuulo kúmmár bandór.

Jantenteŋ ho Saŋ afégne a bífegereno.

⁷ Angu, díineŋo nómarán
awusunadir, Díino abénnhineŋ
Seetano k'afúror a kasoŋo.

⁸ Afúrodir adékhineŋ a duniyaŋo,
tonkoŋo arenekeŋo nip ba bujodhu

siyeŋo n'angune na. Siyeŋo
n'adékehne bujodo, adúko
gurethinem Gog. Adúko Magog.
Angu ajodeeniŋdir mees Seetano
ayéjhineh ba burah gandékehne ba
biñaamo. Ífegeeniŋ n'anjógunayne
na. Angu n'anjógne na
anrumunrumun na tip, ininkaman ni
didiiraŋo arumunne a bakaranku
jakaamo, dupiren k'útebeeniŋ.⁹⁻

¹⁰ Angu immerenŋ nip andék ka
didiiraŋo ammurne ker andórla
bukooro bu Díino apokunne. Úpájuli,
jamanku Díino na gangune. Angu
armenjo no Gog ingi Magog na
gannuhne baasaŋo. Agida Iblisa
ajodeeniŋne k'ayéjeeniŋ andék ba na
ba buñaamálinku jamanku Díino.

Bankaani nim Díino awoduteeniṅ na
kuulo káriman arijanna añufeeniṅ
na, immereniṅ nip.

Angu fo hómár ayikne Iblisa
aworaawor a kuulo kúndenno
k'asuulohne dáde. Na galahunne
honjo h'abenkilinimehne ingi
anabiyonjo n'ajodumohne.

Anyokáneh na fanfan, báárig jaket,
baman dagurumaareṅ.

(Rev. 20:7-10)

Biriman fam, a Toolhu Iden, Díino
ajíkirinjikirin mara abúuñhuneḥ wúur a
duniyaṅo m'afaṅánaháneḥne Iblisa.

A waato nómár Díino ayéj Iblisa....

Kanda ayikhineh úduk a dimbayahu
udikaamo m'afilihinehne bigokon,
kanda fi ukabhánam a buteeñ.
(Jenes 3:15)

Angu údiigeeno mu Díino abúuñurne,
údiigeeno m'afúruntne a dimbayahu
udikaamo, úmár ingine Yensa.

Yensa afañánane Iblisa f'aniirone a
halihano k'afak akeng a biniironjo

Kanda Yensa dañoolinkinehne a duniyaño
k'aguy umaasahu duniyaño nip buruhu
díinej wuuli.

Díinejo wuuliyeno awusunadir, Yensa
afañánaháneh Iblisa dáde.

Alakánam k'aworom a kuulo kúndenno.

Angu Iblisa ingi fáguhonjo mess f'antifilinne

Iblisa anguyhuneh a kuulo kúmmár bandór.

Kanda jamaño mees anguyhuneh a kuulo kúmmár.

A bífegereno Saṇ afak afég Alikiyaama.

Waato no jamaño ankitihineh ingi Díino.

Jantenteṇ ho Saṇ afégne.

¹¹ Afúrumi na, ífeg bunooḥunku
umaasaṇo. Búmár afufuuh dáde
k'afer, ingi wúuro m'anoone na.
Biningilini ífeg mara raafo ingi réeṇo
angírgir kuwonnhu Díino, aniim met.
Angu afúrumi dam fégahadaa.

¹² Angu ídek ífeg m'anniirone,
kilifaṇo nip ingi índukoṇo nip.
Moṇon moṇon adékuraa adék awonn
a jannoku m'anoone a bunooḥumo

búdenno ki k'akitimaa, úmánduk
úmánduk. Angu maleekaŋaŋo
adúkoŋo anlahah líibáreŋo. A
líibáreŋo nómaráŋ, moŋon moŋon
h'okanne a duniyaŋo na
gañaañaane. Angu ankimbul
líibáreŋo nómaráŋ. Kanda ayikyik
úduk m'alah líibár adúk. Líibáro
adúko n'alahne gurethinem líibáru
kanjébo. Angu m'anniirone nip
ankitimaakitum. Ankitimaakitum a
gubaaru h'ankanne mara hómár
gañaañaane a líibáreŋo ámaráŋ.

¹³ M'anniirone a jakaamo wola a
fankaaso immeren nip anfúrum na
k'andék imbi Díino ankitimaa.
Ñamhu bukenum, immeren mees
anfúrum na k'andék ankitimaa imbi

Díino. Jamaño nip andék ankitimaa a
gubaarhu h'ankanne ¹⁴⁻¹⁵ Kitiño
gadéti biniironjo fankánam ingi
bukenum aworaa a kuulo kúndenno
k'asuulohne dáde. Mi harethánin
guyronje a líibárhú kanjébo
immerenj nip anworaane a kuulo
kúmmár. Agida a gubaarhu kuulo
kúmmár akankaan k'annakin
biniironjo.

(Rev. 20:11-15)

Angu Saṅ aféfég alikiyaama.

Díino ajellihinemjellihin h'adékehne buyiko
a waato no jamaño ankitihinehne imbi
Díino.

A waato nómmár jamaño nip, mi
fiyindenjenje Yensa, Díino

akengunkuneeniŋ a biniiroŋo.

Anwonnháneh imbi Díino.

Díino anokuneh a bunoohumo bufero,
bunoohunku umaasaŋo ki jamaŋo anwonn a
jannokunom.

Angu, moŋon moŋon akitihineh imbi Díino.

Díino afékiñeh hójondoŋ hoŋon hoŋon ho
jamaŋo ankanne n'añaaña a líibáreŋo.

Jamaŋo ankitimaakitum a gubaarhu
h'ankanne mara hómár gañaañaane a
líibáreŋo ámaráŋ.

Jantenteŋ ho Saŋ afégne.

Angu maleekaŋaŋo adúkoŋo anlahah
líibáreŋo. A líibáreŋo nómaráŋ, moŋon
moŋon h'okanne a duniyaŋo na
gañaañaane. Angu ankimbul líibáreŋo

nómáráŋ.....

Angu m'anniirone nip
ankitimaakitum. Ankitimaakitum a
gubaarhu h'ananne mara hómár
gañaañaane a líibáreŋo ámáráŋ.
(Rev. 20:12)

Kanda Saŋ afak afég maleekaŋo n'alahne
líibáro adúko.

Líibáro nómár, gurethinem líibárh
kanjébo.

Jantenteŋ ho Saŋ afégne.

Kanda ayikyik úduk m'alah líibár
adúk. Líibáro adúko n'alahne
gurethinem líibárh kanjébo. (Rev.
20:12)

Aji marigeno, ufiyumfiyum Yensa, gurethen

añaañaañaañ a líbáro nómár.

Gurethen ungo na n'añaañaa a líbárhú
kanjébo.

Ayikyik bísiba, Yensa ayéj ñantaalibehinem.

Sewoorenj ni harethánan agune a
kayero no arjanna. (Luke 10:20)

Angu, aji gurethen añaañaañaañ arijanna,
a líbárhú kanjébo, dutoh imbi jamaño
m'anwonnáne a jannoku Díino bísibaño
bímár.

Bísibaño bi Díino anokánehne a
bunoohunkunom bufero, dutoh na

Dukiti imbi Díino mara Díino akafarikafari
jínubonkon nip.

Abonkerbonker jínubonkon mara Yensa
acaamcaam jínubonkon nip f'aniirone a

halihano.

A waato n’ofiyumne Yensa, Díino
akafarikafari jínubonkon k’añaañ gurethen
a líibárfhu kanjébo.

Angu Saŋ, bafégi alikiyaama, afég
maleekaŋo n’alahne líibáro nómár, líibárfhu
kanjébo.

Kanda afak afég jamaŋo jup mi harethánin
ñaañiiraane a líibáro nómár.

Afégeeniŋ n’anwonn a jannoku Díino
n’anoone a bunoohunku umaasaŋo,
bunoohumo bufero.

Jantenteŋ ho Saŋ afégne.

Jamaŋo nip andék ankitimaa a
gubaaŋhu h’ankanne ¹⁴⁻¹⁵ Kitiŋo
gadéti biniironjo fankánam ingi

bukenum aworaa a kuulo kúndenno
k'asuulohne dáde. Mi harethánin
guyronne a líibárhú kanjébo
immeren níp anworaane a kuulo
kúmmár. Agida a gubaarhu kuulo
kúmmár akankaan k'annakin
biniironjo.

(Rev. 20:13-15)

A waato nómár aléerhineh fanfan imbi
jamaño m'angune bim.

Moñon moñon mu gurethinem guyronne na
a líibárhú kanjébo, moñon moñon mu
fiyindenne Yensa, akitihineh imbi Díino a
gubaarhu hójondonjo h'akanne a duniyaño.

Angu, ni jínubonkánin kafarirane, Díino
aworháneeniñ níp a kuulo kúndenno.

Anguyhuneḥ a kuulo kúmmár, immerenḥ ingi
Iblisa ingi fáguhonḡo.

Anguyhuneḥ na bandór.

Bonkerer! Fiyunti Yensa

Fiyunti Yensa gub.

Buku útuy baman gucum.

Fiyunti Yensa gub.

Aji ufiyumi Yensa, Díino añaañháneh
gurethen a líibáro n'agune arijaana.

Añaañháneh gurethen a líibárho kanjébo.

Aji ufiyumi Yensa, Díino akafarihineḥ
jínubonkon nip.

Angu dukiti imbi Díino.

Duwonn a jannoku Díino bísibaḡo bi Díino
anokunehne a bunoohumo bufero.

Dúdek jahánama kanda údekhineh
arijanna, a kantígo kajóoninno, k'uguy imbi
Yensa bandór

Angu Saṇ, bafégi alikiyaama

Bafégi kuulo kúndenno

Saṇ akir afég arijanna.

Saṇ aféfeg kantígo kajóoninno ka moṇon
moṇon m'afiyumne Yensa aguyhunekne
bandór.

Emisiyoṇo n'adékirehne uyennehinkineh a
Gúloku Díino ho Saṇ afégne.

Aféfeg kantíg kanjóoni.

Kantígo ka wúur daniiroharne, ka wúur
dahoonaharne, ingi ka wúur dayohaharne.

Angu, emisiyonjo n'adékirehne
uyennehinkineh a gubaarhu kantígo
kámmár.